

KUMPUAN
RAM LEH HNAM
HUMHALH

YMA

AW



Mi harsa in sak bul tan a ni

Chanmari West, 2nd June, 2013 : Chanmari West Branch YMA hmalaknaa thawh tura ruahman, hmeithai Pi Thangkimi (K-sect) in sak hna chu Ni 30.5.2013 (Ninga) khan khawtlang huapa nileng hnatlang neiin thawh tan a ni.

Pi Thangkimi in sak hna kal meka hnatlang neih tawh dan leh sum leh pai hmuhna tlangpui chu heti ang hi a ni:

1) Ni 30 & 31, May khan khawtlang huapin nileng hnatlang neih a ni a, Mistiri tha 22 leh mipui hnatlang tha 148 sen tawh a ni.

2) Branch YMA Executive member-in zingkar hnatlang tum 2 an nei.

3) Mistiri Association-in hnatlang tum 2 an nei tawh bawk.

Pawl ang leh khawtlang huapa hnatlanga thawk chhuak thinte chungah Branch YMA chuan lawmthu a sawi a, mi harsa \tanpuina kawnga veng mipuite inpekna chu a ngaihluk tak zet bawk a ni.

Mi harsa insak \tanpui nan hian pawl hrang hrang leh mimal tlawmngaita hnen atangin sum leh pai \thahnem tak hmuhchhuah tawh a ni. Insak \tanpuina hmuh tawh a ni.

zawng zawng hi ₹ 1,16,140 a ni a, \tanpuina petu zawng zawngte chungah Branch YMA chuan lawmthu a sawi tak meuh a ni. \tanpuina petute:

1) Bialtu MLA - ₹ 50,000 leh rangva bundel li (4).

2) Veng chhunga Pawl hrang hrangte thawkhawm- ₹ 27,000

3) Mimal \thahnemngaita hnen atangin ₹ 38,640

Tun thleng hian ₹ 91,553 hman ral tawh niin ₹ 24,587 la kawl mek a ni.

Insak hnatlang hi a \tul dan ang zela thawh chhoh tur a nih dawn avangin, a \tul hun apiangathawk chhuak thei tura inpe turin Branch committee chuan veng mipuite a ngen bawk.

Thisen Pek Runpui Neih A Ni Dawn

June Ni 8-a Aizawl Civil Hospital tana Branch YMA-in Thisen Pek Runpui a neih turah heti ang hian Branch Executive meeting chuan ruahmannaa siam a, member a tam thei ang ber thisen pe tur hian a sawm bawk.

1) Thisen pekna hmun - Chanmari West middle School

2) Thisen pe hnem ber record siam ngei tura \tan lak nise.

3) Thisen petute tan ei leh in - bawng ruhkawl chhum, paratha leh thingpui siam nise.

4) Mawhphurhna hrang hrang heti ang hian siam a ni:

i) Medical Team-te a \tul anga lo puibawm turin NI Lalramengi, NI K Vanlalchhuangi, NI Lucy Zoliani, NI PC Lalhmangaihi leh NI Zoramthari te ruat an ni.

ii) Bawng ruhkawl chhum, ei leh in sem leh \tul dangte - Khuangchera section

iii) Paratha kan leh thingpui lum - MHIP, Chanmari West

iv) Sound System - Neuva Section

v) Seat arrangement - Branch Executive member (Ni 8.5.2013 zingah hnatlan nise)

vi) Banner leh Mineral water in charge -Pu C Lalzarliana, President

Branch News

● Ni 28.5.2013 (Thawhleh) zan khan Branch Executive Meeting thut a ni.

● Vice President Pu K Darthantluanga chu Central YMA Disaster Mamnagement Sub-Committee Secretary a tan ruat thania, Central Executive Committee (CEC) Member a ni nghal dawn a ni.

● Ni 31.5.2013 khan I & PR Auditorium-ah Association for Voluntary Blood Donation (AVBD) buatsaihin State Level Training on Voluntary Blood Donation neihah Branch aiawhin Asst. Secretary Pu RL Thanhnuna a tel.

● Executive Member Dr Lalramliana chu Office hna pawimawh ah Training -in Silchar ah a awm mek.

● Ni 1.6.2013 (Inrinni) zan khan Adviser Pu A Biaklawma inah Emergency meeting neih a ni.

YMA Zaipawl

Ni 5.6.2013 (Nilai) zan dar 8:30 hian Pu R Thansanga (L) in, Chawngbawla Section-ah hla zir tur a ni a, zaipawl member-te kim takaka tur a ni e.

Chhiatni Fund

Tun thlenga section hrang hrang atanga Chhiatni Fund luh dan chu heti ang hi a ni.

Sect	Target	Hmuh	%
CH	₹58320	₹57020	97.7
K	₹58500	₹52800	90.2
N	₹42100	₹41300	98.0
T	₹70700	₹57800	81.7
V	₹58200	₹55500	95.3



TUNKAR CHANGVAWN

Avang awm lovin i thenawmte chungchang thuah hretu ni suh la. I kain bum bawk suh

Thufingte24:29

Editorial Board

Editor:	R Lalrinngheta	9862358337
Joint Editor :	Lalchhandama	9862358347
	J Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K Lalremtluanga	9862119608
Cir. Manager :	Jacob Lalrinsanga	9612319779
Production Manager :	T Ngurk huma	9436190843

Branch Office Bearer

President	C. Lalzarliana	9436142049
Vice President	T Ngurk huma	9436190843
Secretary	Zairemmawia	9862385654
Asst. Secretary	RL Thanhnuna	9436152760
Treasurer	R. Lalhmachhuana	9436151817
Fin.Secretary	K Darthantluanga	9436196071
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

Mi dangte tana inpekna nun tluka keimahninun tihi lmtu leh nun tinuamtu hi a awm kher awm lo ve. Branch YMA-in mi dagte tanpuina tur hawi zawnga hmalakna lian tak mai - Mi harsa in sak sak leh Thisen Pek Runpui a buatsaih hi a ropui hle mai.

Mite tanpui leh thil tha tih hi duh viau mah ila, mimal thahnemngaihna ringawt hi chuan tih mai hi a lo harsa khawp mai. Chuvangin, hetia pawl anga hmalakna a lo awm hi mi tam tak tan chuan mite tanpuina kawnga pen chhuahna remchang tak a ni.

Thisen pek kawngah hian kan veng chuan hming kan lo chher tawh khawp mai a, tin, kan veng mi thenkhat chuan damdawi in lamah pawh kan lo hmang tangkai tawh hial a ni. Chuvangin, tun tumah pawh hian thisen pe ve thei ngei turin member-te'n kan rilru kan siam a tul khawp mai.

Veng chhungah chhung-kaw hrang hrang, khawsak dan dinhmun in ang lo tak tak kan awm. Chutih rual chuan lungrial taka mi harsa zawk in sak sak tura lungrial taka ke kan pen tlang hi a ropui hle mai. Mi dangtana malsawmna nih hi Pathian duh dan pawh a ni reng si a.

Laipuitlang leh Ramhlun Venglai leimin tuar tanpuina bawm dawh a ni a, sum leh pai thahnem tak hmanga mi dang kan tanpui thei hi a ropui hle mai. Tam tak pe thei lo paw'n mahni remchan ang ang kan pek khawm hmangin veng hming a mawi a, mi dangte tan a lo tangkai leh em em zel a lo ni.

Tui mal far te te hmang hian kan veng hi veng nuama siam turin tan i la tlang zel ang u.

Article:**THISEN PEK - MI DANGTE TAN MALSAWMNA**

- Mangheta Ralte

"Thisen hlu, Thisen hlu, Thing Kraws chunga luang khan, Sual lakah min tlanin, Misual thiam min chantir" tia Biak In lamtuala leng lo khawpa kan tuipui "Thisen Hlu" ngei mai kha mi dangte nun chhan nan a lo hluin a lo pawimawh reng a ni tih hi kan ngaihtuah ngai em aw?

Kan thlahtu bulte bawhchhiat lai atanga tun hun thleng hian, changkanna leh hmasawnna hrang hrangin khawvel hi a tuam a. Hringchar (Silchar) thlang lamah mihring an lo awm reng a ni tih pawh hre ngai lo Mizote paw'n khawvel letliama Miss Universe an thlanglai chu mahni in chhung lum atangan chil thli tla lo chauhin kan lo thlir ve thei ta reng mai. Thiamna a sang zel a, mihring taksa chungah ngei pawh Pathian min din dan aia thui hretin thiamna hmangin damna mai piah lamah pianhmang mawinate insiam chawp thei tawh mah ila, nunna atana thisen kan mamawhna chu a bo thei chuang si lo chu a nih hi. (Deut 12:23, Lev 17:11)

Pathianin mihringte hnena finna leh remhriatna a pek hmangin, damlo thi mai turte chu thisen pek vanga damna an chan theih dante zir chhuah leh hman tangkai a lo ni leh ta zel mai. Mizote hi hnam huaisen, flawmngai leh "Thian chhan thih ngam" tiin kan inchhal thin. A dikna chen pawh a awm ang. Chu kan Mizo nihna chu mi dangte nun chhan nana Thisen kan pek hian a tilang chiang lehzual awm e.

Kan hnam hnufual em avangin he lam kawngah hian kan thangharh tlai hle, hriatna kan nei chau hle bawk. Kum 1974 vel atangan Mizoramah thisen pek hi kan hmelriat ve tan chauh va. Chumi hnuah, tun hun thleng pawhin, a tangkaina hriat tawk loh vang leh zirtirna dik lo vangin thisen pek tulna leh pawimawhna la hre lo Mizo thalaite zingah engemawzat kan la awm tlat mai hi a pawi khawp mai. Dr Jame Blundell (British Doctor) chuan kum 1818 khan thisen pek (mihring bikah chuan) hi nun chhan nan hlawhtling takin a lo nei daih tawh.

Thisen pek dan hi chi thum a

awm: 1) Professional Donation (thisen hralh leh lei)- hei hi Supreme Court-in a khap bur. 2) Replacement Donation (tu emaw tan bika pek)-hei hi a tha viau. Mi mamawhlai taka tanpui theihna a ni a, tih zel tur pawh a ni. Mahse mamawh laia petu tur hmuh loh palh chuan damlo tan chhiatna tawpkhawk thleng thei a ni ve thung. 3) Voluntary Donation (mahni duh thu liau liau, tihluihna telo) - Hei hi kan sawi tum ber leh YMA leh Kristian-te tihtur awm tak chu a ni. Voluntary-a thisen pek chu eng nge a that bikna? 1) Blood Bank-ah thisen test sa diam, emergency-a hman mai tur a khawlkhawm theih phah. 2) Thisen petu nei ve loten an hmang thin. 3) Blood Group mamawh ang petu tur an awm lohvin a thleng theih. 4) Damlo chhungte tan thisen petute hnenah lawmthu sawi nan engmah senso a ngai ve lo. 5) Zanlaiah te (emergency-in) in kohkhawm chuk chuk a ngai ve lo. 6) Hetianga petu an tam chuan thisen petu tur inzawn buai a ngai lo. Voluntary-a thisen petu chuan a let leh phut miah lo leh beisei miah loin mi dangte tana malsawmna ni turin a inpe tihna a ni a, Lal Isua zirtirna nen pawh a inmil viau a ni (Luka 6:34).

Mizo Kristian thalai ni ve si, mahni Blood Group hriat loh te, thisen pek ngam loh te, pek nachang hriat loh te, thisen pe ngai lo nih te, pek tulna pawh hre lo nih te hi a Pathian Thu lo tih i hre thar ang u. Kan rin kan Pathian hi Tidamtu, Tanpuitu a ni tlat. Hriselna dinhmun leh taksain a zir loh vanga pek ve duh ngawih ngawih, pe ve thei lo chu awm theih tehmeuh mai. Hetiang mite tan pawh hian Blood Donation Movement-ah thahnemngai takin hun

(Phek 4-naah chhunzawm a ni)

Chawngbawla	Section	Taitesena	Section	MHIP										
<p>□ Ni 31.5.13 khan nilengin Chanmari YMA Hall-a Congress thalai Block Conference-ah ei rawngbawlin sum an tuak.</p> <p>□ Section Bungraw In sakna tur Cubic lung leh thingzai chu a lo thleng tawh a, remchang hmasa berah Member pum huapin hnatlang an ko ang.</p> <p>□ Branch in thisen pek runpui neih turah member a tam thei ang ber in thisen pe turin an inngen.</p> <p>□ Member tinah Silver Jubilee pualin thawhlawm ₹ 20 khawn mek zel a ni. Member tin ten lo ngaipawimawh turin an inngen.</p>		<p>□ CWBYMA hmalakna a hmeithai insaknaah Member hawkchhuak kan tha tawk lo hle a, hnatlangte chungah an hruaitute an lawm hle.</p> <p>□ Ni 8.6.13-a Thisen pek runpui neih turah Member-te leh Section Nu leh Pa, a tam thei ang berin Thisen pe turin an insawm.</p> <p>□ Section huamchhunga dawr nei ten bawlhhlawh bawm nei a, mumal taka pah turin an inhriattir.</p> <p>□ An Member Tv H Lalnunzira chuan NECS cup Football Tournament a top scorer a ni chu an chhuangin an lawmpui hle.</p> <p>□ Section huamchhunga damlo mahni inlama awmte leh damdawi in hrang hranga awmte an dam leh thuai an duhsak.</p> <p>□ Chhiatni Fund leh YMA AW man la ti fel lo / pe lote ngaipawimawh turin an inhriattir.</p>		<p>□ Ni 24. 5.2013 (Zirtawp) khan 'Right of Children' training, ATI building-a neihah Branch atangin heng mite hi an tel:</p> <p>Pi F Lalramsiami, Pi Zohmingiani Pi Lalrinmawii, Pi Thanglianzel</p> <p>□ Hmeithai in sak tanpui na atan Branch YMA-ah ₹ 1000 an hlan.</p> <p>□ Ni 6.6.2013 (Ninga) zan hian Executive meeting neih tum a ni.</p>										
<p>Khuangchera</p> <p>□ Ni 25.5.13 khan YMA RUN thuamthat hnatlang neih a ni a, hnatlang ei leh in tumsaktu David Malsawnkima chungah an lawm hle.</p> <p>□ Ni 26.5.13 khan an EX-OB Pu K Laldawngiana New Life Hospital awm chu an kan.</p> <p>□ Branch Fin.Secretary thar leh Section In charge Pu C Lalmuankima chu an lawmpuiin duhsakna an hlan. Vice President kal chhuak Pu T Ngurkhuma chu an ui rualin a kaisanna chu an lawmpui hle.</p> <p>□ Section huamchhung ui leh ar khauh taka khuahkhirh tum a ni a.</p> <p>□ Silver Jubilee Fund khawn mek a ni. Member ten lo ngaipawimawh turin an inchah.</p> <p>□ Branch-in ni 8.6.13 Inrinni a thisen pek runpui a neih turah member a tam thei ang ber thisen pe turin an insawm.</p> <p>□ An Leader Pu Lalchhanhima fapa Lalhrualitluanga'n CBSE hnuia Matric 1st Div-a a pass chu an lawmpui hle.</p>	<p>Vanapa</p> <p>□ Zun in siam mek chu zawh thawkhat a ni tawh a, hruaitute hnatlanga chhuak zel turin an inngen.</p> <p>□ Work Supervisor Pu VL Thakima kaihhruaina-in Vanapa Run bulah Footpath siam hna chu thawh tan mek a ni.</p> <p>□ Jubilee Fund member tinah khawn mek a ni a, hruaitute a rang lama ti fel turin an inngen.</p> <p>□ Ni 1.6.2013 (Inrinni) khan hruaitute hmeithai in sain an hnatlang.</p> <p>□ Leimin tuar tanpua petu zawng zawngte chungah lawmthu an sawi.</p> <p>□ Chhiatni Fund leh YMA Aw man a ranglama tifel turin an inngen.</p> <p>□ An member NI Ramngahmawii (Atei) d/o Pu H Lalchungnunga (Nunga) chu State Technical Entrance-ah 8-na a tling a, an lawmpuiin an chhuang hle.</p>	<p>Neuva</p> <p>□ Ni 8.6.2013 hian YMA Day pualin Aizawl Civil Hospital tan thisen pek runpui neih tur a ni a. Thisen pe thei turte chu hruaitute hnenah inhriattir tur a ni.</p> <p>□ Silver Jubilee lawmna tur member tinah ₹ 20 khawn mek a ni a. Tlawmngaia lo pe turin an inngen.</p> <p>□ Pu Rodinga (L) in bul kawr chu chhak lam atanga leivung paishin a hnawh thin a, kawrah hian leivung hi paish tawh lo turin chhak lama awmte an ngen.</p>	<p>BADMINTON</p> <p>□ Aizawl North Zone Tournament neihah R Lalrimawia s/o R Lalrammawia chu U-13 ah a champion a, Men's Team-in Runner's Up lawmmman an la bawk a, an player te an chhuangin an lawmpui hle.</p> <p>□ Indoor Stadium chhuat rawng hnawih nan Pu R Rokima, Adviser chuan pawisa a pe a, an lawm hle.</p> <p>□ Inkhel thin Hall Fee ngai pawimawh turin an inhriattir.</p>	<p>Leimin Tuar Tanpua \$ 6000 Central YMA-ah Thehluh a ni</p> <p>Laipuitlang leh Ramhlun Venglai leimin tuarte tanpua tur Central YMA-in vehbur Aizawl khawpui Branch te khawn tura a tih angin kan Branch huam chhungah khawn lovin Section hrang hranga tanpua pekna tur hmun hnhi theuha siamin bawm dawh a ni a, chuta tla/tling khawm ₹ 60,000 chu Central YMA -ah ni 31.5.2013 khan thehluh fel a ni.</p> <p>Section hrang hrang atanga tanpua luh dan chu heti ang hi a ni:</p> <table> <tr> <td>Chawngbawl Sect</td> <td>- ₹ 12,930</td> </tr> <tr> <td>Khuangchera Sect</td> <td>- ₹ 9,750</td> </tr> <tr> <td>Neuva Section</td> <td>- ₹ 7,820</td> </tr> <tr> <td>Taitesena Section</td> <td>- ₹ 13,850</td> </tr> <tr> <td>Vanapa Section</td> <td>- ₹ 15,650</td> </tr> </table> <p>Ui leh Ar Khuahkhirh Dawn</p> <p>Local Council-in YMA hnena Ui leh Ar khuahkhirh kawnga thuneihna a pek angin a hnuai ami ang hian June thla atangin YMA chuan hma a la dawn.</p> <ol style="list-style-type: none"> 1) Ran vulhtute compound baka chhuak hmuh (a neitute tel lova) a nih chuan man theih a ni. 2) Mahni compound-ah chauh kan ranvulhte hi inthiartir thin tur a ni. 3) Man a, thlun theih a nih chuan thlun ngei tur a ni a, man theih loh a nih chuan a thla lak mai theih a ni bawk. 4) Pawl anga man theih a ni ang. 5) Man a nih a, a neitute hriattir a nih atanga darkar 5 a ral hmaa tlan/khul a nih loh chuan tihral a nih pawhin sawisel theih a ni lo vang. 6) Local Council receipt siam chu YMA President leh Secretary-te'n kawlin, anni hnen atang hian receipt lam thin tur a ni ang. 	Chawngbawl Sect	- ₹ 12,930	Khuangchera Sect	- ₹ 9,750	Neuva Section	- ₹ 7,820	Taitesena Section	- ₹ 13,850	Vanapa Section	- ₹ 15,650
Chawngbawl Sect	- ₹ 12,930													
Khuangchera Sect	- ₹ 9,750													
Neuva Section	- ₹ 7,820													
Taitesena Section	- ₹ 13,850													
Vanapa Section	- ₹ 15,650													

(Article chhunzawmna)

leh thlantui sengin ṭan a lak theih tih erawh hriat a ṭha awm e.

Zirtirna dik lo leh hriatchian tawk loh vanga thisen pek hreh tlat te, taksain a tuar dawn tleta hriate kan la awm hi a pawi khawp mai. Thisen petu turte hriselna hi mithiam (Doctor) te'n an endik hmasa vek zel a, chuta ṭang chuan a pe thei turte chauh an pektir ṭhin tih hriat tur. Chuvangin "buān hmaa kherh" nghal ngawt loin kan pek theih leh theih loh tal chu i enchhin ngam ang u. Kan lo pe thei ta lo a nih chuan kan taksa that tawk lohna tal kan hriat phah ang a, inenkawl zui dan tur hre turin Doctor pan nachangte pawh hre zui leh ta zel ila, kan hlawkpuī tho lo'ng maw?

June ni 14,2004 khan a vawi khatna atan Johannesburg-ah World

tunah chuan khawvel ram hrang 80 laiin he ni hi an hmang ta ṭhin a ni. He ni June ni 14 hi World Blood Donor Day atana thlangtute chu. The International Federation of Red Cross, Red Crescent Societies, the International Federation of Blood Donor Organizations leh The International Society of Blood Transfusion-te an ni a, anni pathum hi World Health Organization (WHO) hnuai a mite an ni. World Blood Donor Day pual hian thupui (theme) thlan bik neih thin a ni a, kum 2012 khan "Every Blood Donor is a Hero" tih chu thupui atan thlan a ni, he thupui hian Thisen Petute ropuzia a tarlang chiang hle awm e.

Mihring puitling (mi hrisel pangngai) ah hian thisen 4000-6000ml (4-6litres) vel a awm tlangpui a, chuta tanga 300ml vel chauh lakchhuah hi hriselna atan a pawi lo. Darkar 24 chhungan a tam lamah ngai a awh leh thei. Tin, Hb pawh hi thla khat chhungan a pangngai leh ṭhin. Chuvangin, mipa tan chuan thla 3 danah a pek ziah theih, hmeichhe tan erawh chuan thla 4 danah ni thei se tih hi mithiamte thurawn a ni. Kan thisena RBC hi englai pawha kehchhia leh insiam thar reng a a ni a, ni 120 bak a dam thei chuang lo, chuvangin thisen kan pek loh paw'n a keh chhe tho zel tih hriat a ṭha awm e. Hetiang hi kan taksa dinhmun a nih avangin Pathian min din danah pawh hian keimahni tana hlauhawm miah lova mi dang tana malsawmna ni thei tura din hi kan lo ni reng lo maw?

Pathian remruatna hi chu ava thukin ava ropui tak em!

Thisen pek tumte tana hriat tur tlemte chauh lo tarlang leh ila:

- 1) Pek hma chiah zanah mut ṭhat tur, mut tam tur. 2) Rilṭam laiin pek loh tur. Thil ei ṭhat a, tuiril lam in tam tur. 3) Ruihhlo (Zu, meizial, kuhva etc) te tih loh tur. Thisen pek zawhah chuan: 1) Tuiril lam in tam tur 2) Thisen pek zawh aṭanga darkar chanve chhung tal meizuk insum tur. 3) Chaw ei leh hma zawng zu in loh tur. 3) Pek aṭanga darkar 24 ral hma chuan hna rim lutuk leh insawizawina hahthlak lutukte tih loh hram tur. 4) Band-Aid hi darkar 5-6 hnuah chauh phelh tur. 5) Ei leh in tuituah vak hi a ṭul kher lo.

Hmuh let beisei vang ni miah lova thisen petute hi an hlu a, ngaihsan nachang hriat pawh a ṭha. Pathian thu hi a takin an nunpui tlat a tih loh theih loh. Chhandamtū ni em si lovah chuan fak phu pawl tak an ni. "Damlo mangange'n i thisen pek hun nghakhlel takin an lo thlir reng asin! Vawi khat mai ni lo, vawi 10, 20, 50, 100 thlenga thisen pe turin i rilru siam rawh le"

Property Sub- Committee

Neuva Section huamchhung Sairang road lamah Information Mike dah belh a ni a, a hrui min tum saktu Pu HVL Zasanga, N. Section chungah lawmthu an sawi.

2 Siter 2Nos, 3 Siter 2Nos a khuhna mawi tako siamsa chu ₹45000 ni ṭhin kha ₹40000 in kan pe phal e. A thar order leh repairing pawh kan ti thei reng e.

☏ 986233725 / 986233726

SPOKEN (ENG/ HINDI), COMPUTER, MATHS ZIRNA HMUN

(10 yrs Experience Teacher te zirtirna)

Timing 6:30 am - 6:00 pm

I hun neih dan angin rawn zir rawh le. Course hrang hrang a zir theih e.

☏ 8974361240

Goshen Learning Centre
(2-2) Vaivakawn. Opp Bazar.

CWSC

□ Ni 21.5.2013 khan OB meeting neiin kum 2013-2014 chhung Executive Member atan heng mite hi an ruat :

1. NI Vanlalmuanpui
2. NI Ellen Lalrintluangi
3. NI Lalhminghlui (Hlutei)
4. Pu C Zonunsanga
5. Pu RK Rozidinga
6. Pu Zothansanga Tochhawng
7. Pu John Zosangliana
8. Pu R Lalsangzuala
9. Pu Lalchhuanliana
10. Pu Zonunsanga (Patea)
11. Pu C Lalmuankima
12. Pu K Lalhmachhuana
13. Pu J Lalremruata Hmar
14. Pu C Zohmingliana
15. Pu Lalhmingliana (Puia)
16. Pu H Pachhunga
17. Pu R Lalbiakhluna
18. Pu Michael MS Dawngzela
19. Pu Saitluanga Sailo
20. Tv Zohmingliana
21. Tv Johnny Lalthanpuia
22. Tv R Lalfakzuala
23. Tv Lalnunhlima (VPA)
24. Tv Zothansanga (ZTA)
25. Tv Vaninmawia (Vima)
26. Dr David Malsawmkima

Chhuanawm

Chanmari West Local Council Team player Tv H Lalnunzira chuan NECS - Inter- Village Football Tournament khelh zawh takah Top Scorer lawmman, Trophy leh ₹2000 a dawng. Tv Zirtea hian goal 8 a khung a, goal 8 khung hi player 4 an awm a, mahse Match khel tlem ber Tv Zirtea (Match 2) chu top scorer-a puan a ni. Heti ang player kan nei hi a chhuanawm tak zet a ni.

HRIATTIRNA

Ni 5.6.13 ral hmain Pu Lalrinchhana BLO hnenah heng mi te hian passport thlalak kenga inhriattir tur. H Khuma s/o Rengchhawna K Lalhuapzauva s/o K Lalhmingthanga V Thansangi w/o R Lalhmachhuana Vanlalchhuani d/o K Rosiama Vanlaluata s/o Neihtanga

- Tv Zitrtea'n kan thingpui leh a hmeh min tumsak a, kan lawm hle.
- MHIP -in thingpui leh a hmeh lei nan ₹ 300 lai min pe a, kan lawm khawp mai.
- Tv Zaitea leh Pu Rimtuia te'n a tawp thlengin min ṭawiawm a, kan lawm khawp mai.